

唐縣志卷十二

識餘

識餘者何志之餘也餘曷志焉耳正志外無餘正志中有餘志之以盡其餘也唐之流寓技藝中官以及方外仙侶異聞軼事雖無關於治譜亦有裨於勸懲視諸正志猶木之餘爲癭穀之餘爲稗也類敘之爲識餘

田一井字尙助安州人忼直磊落丰標俊整萬厯時進士爲計部主事會尙書某務節羨名虧守邊軍糈一井疏論之坐是左遷河東運判無何假沐歸里以荐復入計曹直聲益震司潞河庾出納獨平有贏餘用以賑流民修倉廩

一粒不私出爲山東按察副使監登萊軍適滕鄒妖人倡亂一井謂脅從可憫議主撫撫欲以勦立功不用扼腕累日視師海上至皇城島見難民數千悉以舟渡至登全活甚衆後以屯田忤上官拂衣歸隱居葛山蕭條灑落荐辟不出今苑家會田氏卽其裔也

康熙府志參採訪○流寓

劉于台放水村人少聰穎業儒明萬厯中補弟子員志氣恢宕而工於畫凡山水花草人物備極其巧人多寶之時

鉅公有云易菴文肖巖字于台畫可稱唐山三絕

康熙志

邱燮字亮工霅水村文童也家貧業青烏術四旬而鰥僦居一屋泥爐自炊而歌聲出金石人有以堪輿請者欣然

爲之定兜金未嘗居奇而受酬報焉

採訪○以上技藝

王德化孤山下北高昌人明懷宗時掌司禮監領東廠提督九門帝璽書孔明淡泊足以明志甯靜足以致遠二語賜之其恩遇賞賚甚厚至甲申之變闖寇薄都城特拜化天下都招討京師大元帥甫三日城樓之白燈已懸南遷之車駕終阻而德勝門開矣天與人與抑大寶將有所歸

與

康熙志
○中官

葛洪字稚川丹陽句容人好僊晉咸甯初王道荇爲散騎常侍師事鮑鉉鮑愛重以女妻之洪以交趾出丹砂求爲勾漏令乃於羅浮山煉丹後又隱於楊家峪中巖構屋修

道煉丹遂名其山曰葛洪山今建上清堂清虛宮崇元觀

見存號抱樸子八十一尸解

康熙志

黃野人葛洪弟子隨洪至羅浮結廬於冲虛觀側時有啞虎守之洪旣仙去留丹於柱石間野人自外至得一粒服之爲地行仙常有詩云雲米萬嶺動雲去天一色長嘯兩三聲空山秋月白相傳在上清虛導引貽息有年忽遊而不返後見之白雲峯下蟬脫端坐宛然今其象與詩在焉

雍正志略
參採訪

張陵不知何時人有仙術趙昇從學一日與諸弟子遊大茂山雲臺絕巖有大桃樹下臨不測陵曰得此者向汝道

昇遂投下著樹取桃滿懷不得上陵以手援之乃還

康熙志

栢巖禪師號明哲唐時人與賈島相善世居曲陽嫌薄村父米慶母顏氏慶有五子禪師其四子也自幼聰穎過人樂修淨土業遂請命於父父許之卽就栢巖祝髮爲行最苦能叅四大五蘊之奧且博極羣書竟爲沙門傑出其題栢巖寺詩曰野寺絕依念空山會徧行老來披衲重病起讀經生乞食嫌村遠尋溪愛路平多年栢巖住不記栢巖

名

康熙志

羅道成朱慶厯中遊嶽題詩云白驪代步若奔雲閑人所至留詩跡欲知名姓問源流請看柳陽山下石後聞鄉人

言有真人得道乘白驪行石壁上其迹至今存焉後與喬

同來隱於山中今人呼其山曰羅喬山居址見存

康熙志

喬同學道年八十尙壯東坡詩云結茅松山啖松腴炯然
蓮花出泥塗邇來八十胸垂鬚上山如飛嗔人扶後與羅

道成來隱山中因名曰羅喬山

康熙志

椒山翁隱居葛山每在古柏下扣石而歌皆陰長生丹經
言也修煉於天風臺白日飛昇

雍正志略

老仙姑宋時人不知姓氏隱於山中嘗語人曰貧道住此
二百年矣言訖投崖飛去後因名其崖曰抬身崖名其村

曰老姑里

康熙志

牛師傅不知名號里籍自居洞中每夜有虎臥洞口人間以仙真之道每答曰有動之動出於不動有爲之爲出於無爲不過煉精成氣煉氣成神煉神合道而已知藥而不知神室則不可結胎知神室而不知火候則不可成丹與

王婆婆同時尸解

雍正志略

王婆婆不知何許人在窪裡焚修數十年漸識字通文窪裡無水距牛師傅洞三里許汲水一日牛問之答曰別無水可汲牛曰坐處有水何用遠求王以牛爲嘲戲將汲簞擲碎哭罵而歸坐在菴中拍地而哭手拍處忽湧大泉頃刻成溪泉中生蓮一朵婆端坐而逝香氣數十日不滅

雍正

志略

瑞巖禪師名文琳明永樂十七年遼東左都督劉江從外國攜來祝髮爲僧無出其右者師授多心經讀之五蘊皆空豁然大悟結茆於葛山之桃園日誦法華戒律甚嚴臨終書偈而逝立塔於寶壤岡有塔銘

雍正志略

天白禪師姓种名誠潁山南莊人偶見瑞巖於桃園剪髮爲僧倏然頓悟上座說法成一大開堂地臨終說偈坐化

菴北有化塔

雍正志略

雲定禪師順義籍號曰白衣上人雲遊海內遇百川海師和尚得浮圖法嘉靖時入葛山三妙峯結廬而處號不二

庵忽謂弟子曰吾逝矣長吟云死生涅槃豈異端眉橫鼻
直是單傳水流花謝根難動明月光輝滿世間吾今逝去
了纖塵鑛盡金純性自真廻出世間無挂碍乾坤內外現
全身吟罷坐化

採訪

滴水堂二老道係師與徒未傳姓名里籍日坐小石穴內
辟穀絕粒深得胎息之旨順治時人問其姓名不答又問
其年答曰到此山時聞說伽璘和尚給皇帝摘撲兒法再
問卽閉目不作聲如熟睡狀按元順帝至正十三年有西
番僧伽璘教元主運氣法摘撲兒者言大喜樂也至順治

十年約四百歲矣後不知所終

雍正志略

瘋和尚不知何處人康熙二十年自外方來單衣跣足行
不履正路日常不食人與之食多少俱盡不言飽亦不餘
剩隆冬冰水洗面水漸熱如拂湯人或與語信口答一半
句卽閉目默然人與錢至野埋之不肖者往取則無在莫
山溷跡十餘年忽不見後八九年又來其所衣如故弁不
殘損入葛山深林樵者見其枕虎而臥後不知所終雍正志略
象虎道人姓侯名常和字振山正定人居九峻觀精天罡
禹步訣每日暮炊以飯置木槽中擊鐵喚虎吃畢卽叱之
去同鄉人浴唐河裂腹出腸肚洗之衆驚懼欲走復將腸
肚入腹按摩如故順治十年邑令張修東岳廟敦請下山

住持後入京師至坐化之次日邑令洪琳見侯來謁相見甚歡囑琳云貧道去朝神和山小徒萬祈照拂飯茶而別廟中卽投計亦尸解也

雍正志略

王士衡字文卿清苑宦家子入葛山學道康熙五十八年入大內禮遇甚隆封清封真人在後暖谷建斗母閣聯云眉橫無念乾坤外鼻豎有形妬復中其息處曰留雲榻雍正十年化

採訪

雞冠山道人不傳名號有仙術造石碾於山下村人王姓者至道人言某日夜借牛拉碾至山時過不用王詰之曰夜來已碾置洞旁矣王急回視牛伏地汗未息道人化去

十餘載有見者欲追之倏忽不見今石礪尙存採訪

眼靈東關壽聖寺僧也多異術寺前麥未熟卽刈之人怪其速答曰若遇雹災誰賠我乎次日大雨雹乾隆間重修寺宇不待勸捐而工自成厯修棗園劉家莊楊莊嶺東嶽廟四處橋梁亦類是後不知所終採訪

周姑號醇風子未詳何時人了道於三仙洞朝廷宣詔封爲醇風圓妙慈德真人以告來者癸丑八月初二日亥時昇仙去口占示門衆曰醇風七十一老周通天徹地恣追遊而今了卻人間事萬劫仙班出土邱又曰平生只落自在出入往還無礙今日颺下皮囊蕩蕩起於三界又曰承

出陰陽穀逍遙離世塵一性朝元去獨步赴蓬瀛採訪以上仙

釋

趙襄子使新穉穆子攻狄取左人中人列子

中山鴻山關者昔項羽於此見羣鴻乃誓衆曰我當南面而中其一引弓滿射之莫有中者弓投地而去時知終不

能濟

九州要記

康熙乙酉四月蝻起西北麥地延北羅大洋等村知縣林菁虔禱八蜡諸神越三日有鳥千百從北來搜食蝻類皆

盡烏白頸烏衣狀如雅土人目爲山老瓜

雍正志略

花塔村西有雙龍菴菴以北山根盤曲石骨嵯峨成豐

時村人鑿山開渠以灌田掘出石龍形神宛肖已傷其首
鑿者暴亡至今身形尙在

探訪

唐縣西山中有大石如箕狀名曰磨巖上有長松一株大
數圍攢峯峭壁人跡罕到堯時許由子州支父嘗居於此

康熙志引萬歷
志○以上軼事

唐今中山之唐縣也按輿地廣記堯爲唐侯於此漢屬中
山國今中山之新樂皆故漢之唐也有堯山唐水南有望
都城望都里東北有中山故城一曰廣唐城張曜中山記
之中人城也望都城東有堯故城俗呼爲堯姑城世紀以
爲慶都山在望都南張晏皇父謚皆謂以升堯山南望都

山因曰望都相去爲五十里今在唐縣東北五十四里俗呼孤山一曰豆山而十三州志唐故城在盧奴北七十五盧奴今之唐也酈元云城去望都城八十去中山城七十推驗宜爲唐城北去堯山五里與七十五里之說合然城南無山以擬都山於是欲以唐城爲望都城而北又無城以應唐城乃以唐城東南十五高昌城爲望都城蓋不知道里之誤也雖然唐之爲名在在有之而平陽安邑亦皆曰唐平陽卽晉之臨汾正乃詩之唐國有姑射山按九域志唐水之上地正名翼一曰絳而總曰平陽成王滅之以封叔虞後更曰唐安邑今隸解故絳之翼城城西二十有

唐城又并之平晉北二里有故唐城寰宇記爲唐堯所築
夫平陽乃丹朱之封也徐才國都城記及元和郡縣志皆
云翼城唐國帝堯裔子所封而晉陽縣北二里亦有故唐
城云堯所築卽燮父之所徙而河北縣南百二十八又有
故堯城九域志威勝軍之臨漳城風土記亦云堯築而邢
之堯山縣漢之柏人西十二有南蠻古城今相有古柏人
城九域記引世紀爲堯都縣東北二十二有柏鄉城故與
趙都柏鄉縣東西中分城家記言堯所置有堯廟謂堯登
此覽洪水訪賢人者又河東之南二十八亦有堯山上有
堯城水經以爲唐堯所理而雷首亦謂之堯山有堯祠唐